



DISPUT  
ETRE AR MARO  
HAC AN DEN YAOUANQ

AR MARO.

**C**HÈTE me erru, va mignon,  
Da ober did renta ræzon  
Demeus da vuez tremenet;  
Scuis eo Doue eus da velet.

AN DEN YAOUANQ.

Aotrou Doue, piou eo emàn  
A zo deut qen disonch amàn!  
Va speret a zo oll troublèt  
Gant épouvant eus e glèvet.

51 1261

**R****2****A R M A R O.**

Petra leverès, va mignon ?  
 Les da spont, ha cont da ræzon :  
 Ha ne vouies-te qet erfat  
 E teujen abred pe divezad ?

**A N D E N Y A O U A N Q.**

Allaz siouaz ! ne vouien qet  
 E cleach donet qen abret ;  
 Me sonje din, pa voan dispos ,  
 Ne varvjen qen e vijen cos.

**A R M A R O.**

Mes alies e poa clêvet  
 Ne meus biscoas den espernet ;  
 Hac e cleàn an oll falc'had ,  
 Cos ha yaouanb eus a bep oad.

**A N D E N Y A O U A N Q.**

Allas siouaz ! en joa ar bed  
 E voa va speret ocupet ;  
 Em yaouanqis voa va fianç ,  
 Hac em mignonet va esperang .

**A R M A R O.**

Penos, den sot hac aveurtet ,  
 Ne voas-te qet avertisset

## 3

Da reformi da voel vue,  
Pa ne voas qet sur a un de?

## AN DEN YAOUANQ.

Allas! me vél on faziet;  
Mar plich guenêch c'hoas depordet:  
Roit dîn ur blavez termen,  
Ma rîn qen mervel pinijen.

## AR MARO.

Penos e fel dide ober  
Pinijen e qen ber amzer,  
Pa na heus grêt bete vremàn,  
Ha te pel zo var ar bed-màn?

## AN DEN YAOUANQ.

Me bromet deoc'h, a dra certen,  
E rîn promptamant pinijen  
Da reparî va yaouanqis,  
Ma roit dîn termen ur mis.

## AR MARO.

Bet avoalc'h ec'h euz-te amzer,  
Ma carjes ober da zever;  
Mes ne alles pelloc'h apel:  
Erru an heur, red eo mervel.

4

## AN DEN YAOUANQ.

Pa n'en deo qet ho polente  
 Va lêzel qeit-se en bue,  
 Mar plîch guenêc'h, da vianâu,  
 Un devez c'hoas a c'houlennâu.

## AR MARO.

Ha-ça ! bremâñ paciantet,  
 Erru an heur ; ret eo monet ;  
 Rac'še-ta sonch e coël vue,  
 Ret eo monet dirac Doue.

## AN DEN YAOUANQ.

Penos eta, mervel zo ret  
~~A greiz~~ va nerz ha va yeçhet !  
 Penos quitât va desseniou,  
 Va joa, va c'herent, va madou ?

## AR MARO.

Divead out bremâ da ouela,  
 Homâñ eo da heur diveza :  
 E zan da rei did an tol mortel,  
 En heur-mî e renques mervel.

## AN DEN YAOUANQ.

*E c'houlen sicour digant e guerent ha mignonet.*  
 O va c'herent ha mignonet,

## 5

En han' Doue va sicouret;  
 Scöet oon gantàn d'ar maro,  
 Dent d'am sicour, hastit a fo.

## AR BREUDEUR.

Evit bremàn ne allomp qet,  
 Beza on eus affe bresset;  
 Pa retornimp, ni a velo.  
 N'oc'h eus qet a fæçon varo:

## AR MARO.

Guel, den sot ha den aveurtet,  
 Petra respont da vignonet;  
 Avou bremàn, den diavis,  
 Peguer trampus ê yaouanqis.

## AN DEN YAOUANQ.

Guir a leret : me zo trumpet  
 Gant yaouanqis ha mignonet;  
 Bremàn me ro deze mallos;  
 D'am oll malheur ez int bet cos.

## AN DEN YAOUANQ.

*E choulen sicour digant Doue hac ar Verc'hes.*

Me ho supli, ô va Jesus,  
 Ha chui, Guerc'hes, mam druezus;  
 Me o ped, dre o madelez,

6

D'am sicour c'hoas, me, pecher qèz.

**A N A O T R O U D O U E.**

Penos ech eus an assurang

Da c'houlen ouzomb asistanç ?

Bepret out bei hon adversour;

Petra ve demp - ni da sicour ?

**A N D E N Y A O U A N Q**

*E c'houlen sicour digant ar Sent.*

O Sent, mignonet da Zoue,

O pet truez eus va ene !

Gant an oll oun abandonet;

En han' Doue va sicouret !

**A R S E N T.**

Penos ech eus an ardisson

Da c'houlen hor protection ?

Ne c'heus qet miret hor goeliou ,

N'hac imitet hor vertuziou.

**A N D E N Y A O U A N Q**

*E c'houlen sicour digant e Ål mad.*

O va Ål mad, ô va den qer ,

Va gardien e peb amzer ;

M'ho ped va sicourit bremâ ,

Em nécessite diveza.

7

## A N A E L.

Qement a allen ameus grêt  
 Bete vremân en da andret;  
 Poent e zeo din d'abandoni,  
 Pa ne c'heus qet sentet ouzîn.

## A N D E N Y A O U A N Q.

Me vel erfad ê tremenet  
 Va amzer da veza sicouret;  
 Bevet emeus en libertin,  
 Doue a rent justiç erfin.

Em maro em diles Doue,  
 Pa n boan dilêzed em bue;  
 Rezistet meus de oll graçou,  
 Hac em refus em goulennou.

## A N D E N Y A O U A N Q.

*E quitaat e guerent hac e vignonet.*

Dilezet oun en abandon;  
 N'en deus mui evidon pardon.  
 Adieu qerent ha mignonet,  
 Adieu bed fall ha milliguet.

## A N D E N Y A O U A N Q.

*E quitaat joaüstet ar bed-mân,*  
 Adieu grandeur ha bombangou,

## 8

Henoriou ven ha triomphou ;  
 Adieu d'an traou-eus an douar ;  
 Adieu d'an ên, adieu de chloar.

Mallos dar vam, mallos d'an tad  
 A zo bet ouzin qen ingrat.  
 Mo deus grêt din coll va ene ,  
 D'am beza lezet em liberte.

E zàn da veza enterret  
 En ifern gant an dud daonet ,  
 Da lesqi ebars er flamou ,  
 Da james gant an diaoulou.

A possibl ve , ô va Doue .  
 E serfac'h ouzomb dor an eê !  
 Obtenit demp , ô va Zalver !  
 Eur plaç en ho cloar eternel,

F I N.

---

E MONTROULEZ, e ti LÉDAN, e ru ar Vur.